


TEZAU LITURGIC

6 MARTIE

SLUJBA SF.CUVIOS IOV DE LA ANZER



**MINEIUL PE MARTIE
MOSCOVA**



Ме́сяца ма́рта в 6-й день и ме́сяца ма́я в 29-й день (обрéтение мо́щей) Преподо́бнаго Йо́ва А́нзерскаго

На велицей вечерни

На Го́споди, воззва́х: стихи́ры, глас 1:

Отче досто́блаже́нне Йо́ве,/ ты, страсте́м
Христо́вым покланя́йся,/ безстра́стием ду́шу
украси́л еси́,/ си́лою же Боже́ственною
окриля́емь,/ на вы́соту добродéтелей возлетéл
еси́/ и безплóтных собесéдник любéзнейший
явился еси́./ С ними́же ны́не, предстоя Престо́лу
Всевы́шняго Царя́,/ моли спастися душам
нашим.

Отче преподо́бне Йо́ве,/ ты, изгна́ние пра́вды
ра́ди претерпев,/ пусты́нным и по́стническим
жити́ем Царю́ Небесному́, угоди́л еси́/ и
преподо́бных сослóвия сокрови́ще многоценное
явился еси́,/ безмо́лвия добрый рачи́телю,/
чистоты́ усердный храните́лю,/ Госпо́день
та́йный собесéдниче/ и дерзнове́нный о нас к
Тому́ моли́твенниче.

Отче преблаже́нне Йо́ве,/ нестяжа́ние
возлюбив и вся и́мения тле́нная оставив,/
Христа́ ра́ди обнища́л еси́,/ И́же обогати́ тя

даровании Духа Святаго/ и в Царствии Своём
со святыми прослави./ Темже, припадающе
твоей благодости, умильно просим,/ моли и нам
сонаследником жизни вечныя быти.

От жизни временныя к жизни вечней
преходя,/ утешал еси братию, преподобне:/
разлучаяся с вами телесне,/ духом присно с
вами пребуду,/ мир имейте в сердцах ваших,/ в
послушании своём богоугодно выну
пребывайте,/ никогдаже места сего самовольне
отлучающесе,/ любви ради ко Христу и ко
братии по Бозе.

Слава, глас 8:

Днесь сошедшеся, братие,/ восхвалим
преподобнаго отца,/ доблестнаго Иова,/
иже, в подвигах постнических просияв/ и
Господу Иисусу сораспявсся,/ житие своё
богоугодне сконча./ Темже, досточудне отче,/
велие дерзновение имея ко Святей Троице,/
моли помилватися душам нашим.

И ныне, Богородичен: Царь Небесный:

Вход. Прокимен дне. Чтения три
преподобническая.

На литии стихирь, глас 4:

Преплаженне отче Иове,/ ты, от юности
безмолвие возлюбив,/ в мире яко в пустыни

пожил еси́, / тем и Госпо́дь ты от ца́рских удо́лий
взем, / во оби́тель Солове́цкую пресели́ / и во
ото́це А́нзерстем приста́нище тихое ти дарова́. /
Идеже, усердно Бо́гу порабо́тав, / о́чи твоя
духо́вная просветил еси́ / и, пото́ки слéзными
ду́шу омыв, / во оби́тели Небе́сныя путь себе́
угото́вал еси́. / Ныне же, предсто́я Престо́лу Царя́
Сла́вы, / моли помиловаться душам нашим.

Исто́чник воды́, теку́щая в жизнь ве́чную, /
оби́лен в тебе́ яви́ся, о́тче Йо́ве, / благода́ть бо
Духа неоску́дно источа́л еси́, / темже и исто́чник
воды́ на потре́бу оби́тели у Бо́га испроси́л еси́, /
Иже пра́веднаго ра́ди жития́ твоего́ / и многия
ины́я щедроты пу́стыни твоей дарова́. / Сего
ради мо́лим ты, преподо́бне: / источи́ и нам
сицевую во́ду, / от нея́же, пью́ще, улучим живот
вечный.

Сла́ва, глас то́йже:

Служите́лю Божественных Та́ин
благогове́йный, / ты, с трéпетом предсто́я
Престо́лу Господню, / в Небесны́я кро́вы духом
прости́рался еси́, / мы же, зря́ще Христа,
священноде́йствующа в тебе́, / усердно ны́не
просим ты: / помози и нам, о́тче преподо́бне
Йове, / достойно Христовых Та́ин причащатися /
и Царствия Небеснаго достигнути.

И ны́не, Богоро́дичен: При́зри на моле́ния:

На стиховне стихиры, глас 2:

Яко луч Свѣта Истиннаго,/ возсиял еси, ѡтче,
в безмолвней пустыни,/ прославив ю
Божественною славою,/ тем и от Господа приял
еси славу неувядаемую.

Стих: Честна пред Господом/ смерть
преподобных Его.

Данный ти талант приумножив,/ плод
стори́чный Господеви принёс еси,/ Иже освяти́
тя препо́добием и пра́вдою,/ и Ду́ха Свята́го
жилище сотвори́.

Стих: Блаже́н муж боя́йся Го́спода,/ в
за́поведах Его́ восхо́щет зело́.

Ору́жием Бо́жиим воору́жився,/ вся ко́зни
вра́жия сокруши́л еси,/ гневом праведным
возненави́дев вся зла́я,/ соверше́нною любо́вию
просве́тился еси.

Сла́ва, глас 6:

Ра́дуйся, оби́теле Солове́цкая,/ ра́дуйся,
пусты́не А́нзерская,/ иму́щи драгоце́ннаго
би́сера,/ просвеща́ющаго ли́ки ино́ческих,/
приими́ исто́чника чистоты́ духо́вныя,/
излива́ющагося неоску́дно,/ воспой свети́льника
ве́ры и ра́зума,/ препо́добнаго отца́ на́шего
Йова́,/ па́стыря до́браго и учи́теля,/ и
моли́твенника о душа́х на́ших.

И ны́не, Богоро́дичен: Творе́ц и Изба́витель:

Тропа́рь, глас 5:

Безмо́лвия и́стинный рачи́тель быв,/ в
пустыню во о́тце А́нзерстем вселился еси́,/
преподо́бне о́тче Йо́ве,/ Страсте́м же Госпо́дним
усердне покланя́ясь,/ имя́ Иису́сово в сердце
непрестанно носил еси́,/ пустынножи́телей
мудрый наста́вниче,/ моли́ Христа́ Бо́га
спасти́ся душа́м на́шим.

На утрени

На Бог Госпо́дь: тропа́рь преподо́бнаго,
дважды. Сла́ва, и ны́не, Богоро́дичен: Ра́дуйся,
Две́ре Госпо́дня непроходи́мая:

По 1-м стихосло́вии седа́лен, глас 2:

Селе́ния Небесная зело́ возлюбив, преподо́бне
о́тче,/ хле́бом слёзным на всяк день пита́лся
еси́/ и, за́поведи Господни ревностне исполняя,/
хлеб нуждающимся ми́лостивно раздавал еси́./
Сего́ ра́ди мо́лим тя,/ да и мы, твоим заветом
последующе,/ покая́нию поревнуим и
милосердие возлюбим.

Сла́ва, и ны́не, Богоро́дичен, глас то́йже:

Возжелé Царь царéй добрóты Твоея́,
Пречи́стая,/ всякия́ бо святы́ни вмести́лище
я́вилася еси́,/ Девствующая Ма́ти Христа́ Бо́га
на́шего./ Моли́ся о нас к Ро́ждшемуся из Тебе́,/

да во пристѣнище благоутѣнное управит дѹши
наша/ и, милосѣрдствуя, подаст грехѡв
прощѣние.

По 2-м стихослѡвіи седаѣн, глас 4:

На Госѡда уповая,/ всякія печѣли пучину
преплыл еси/ и, мертв бывая мятѣжу мирских
страстей,/ жизнь вѣчную унаследовал еси./
Сподоби и нас, преподобне, в тяготах и скорбех
не стужати си,/ но разумѣти я полезны быти ко
спасенію.

Слава, и ныне, Богородичен, глас тойже:

Преславная глаголашася о Тебѣ, Богородице,
Премудрости Божія Сокровище Дивное,/
управи премудро стопы наша в законѣ
Господни,/ бурю помышлений устави,/ сѣрдца
мятеж укроти/ и надеждою радости вѣчныя
просвети дѹши наша.

По полиелѣи седаѣн, глас 5:

Путь прискорбный возлюбив,/
преподобнически подвизался еси, досточудне
отче Йове,/ и, упованіе непоколеблемо на
Госѡда возложив,/ радость вѣчную наследовал
еси./ По праведному житію твоему честна
кончина твоя бысть/ и со святыми водворение.

Сла́ва, и ны́не, Богоро́дичен, глас то́йже:
Мати́ Божия́, Влады́чице,/ Рожде́ством
Твои́м освятившая́ род челове́ческий,/ сия́нием
Небе́сных Твоея́ сла́вы осия́й нас/ и, тепло́тою
Божество́нныя Любве́ согрева́ющи,/ души́ на́ша
хра́мы Бо́жии соделай.

Степе́нна, 1-й антифо́н 4-го гласа. Прокі́мен,
глас 4: Честна́ пред Го́сподем/ смерть
преподо́бных Его́. Стих: Что возда́м Го́сподеви о
всех, я́же воздаде́ ми? Вся́кое дыха́ние:
Ева́нгелие от Матфе́а, зача́ло 43.

По 50-м псалме́ стихи́ра, глас 6:
Преподо́бне о́тче,/ се́рдце твое́ храм Ду́ху
Влады́чню угото́вав,/ глаго́лом Госпо́дним
неусы́пно внимал еси/ и, смире́нием и
кро́остию украси́вся,/ в послу́шание Бо́жие
себе́ пови́нул еси,/ темже моли́ о нас Преблага́го
Бога,/ Его́же возлю́би душа́ твоя́,/ да отве́рзет
нам двéри пока́яния/ и спасет души́ на́ша.

Кано́н, глас 4.

Песнь 1

*Ирмо́с: Мо́ря чермну́ю пучи́ну/ невла́жными
стопа́ми/ дре́вний пешешество́вав Изра́иль,/
крестообра́зныма Моисе́овыма рука́ма/
Амали́кову си́лу в пусты́ни победи́л естъ.*

Йове преподобне,/ пролей молитву твою ко Христу Богу,/ да сподобит мя, недостойнаго, песнь хвалебную тебе воспети/ и подвиги твоя достойно прославить.

От юности Бога возлюбив, блаженне,/ до конца Тому поработал еси/ и, благодатию Того обогатився,/ многия духовныя дары приходящим раздавал еси.

Видя Господь от младенства ревность твою,/ чина иерейскаго удостои тя, преподобне,/ и пастве твоей во спасение дарова,/ яко слугителя благоговейна и молитвенника тепла.

Богородичен: Не имам словесе достойнаго прославить Тя, Богородице,/ ни разума воспети Тя, Владычице,/ но токмо в скорбех усердно вопию Ти:/ избави мя работы вражия/ и в немощи моей Помощница ми буди.

Песнь 3

Ирмос: Веселится о Тебе Церковь Твоя, Христе, зовущи:/ Ты моя Крепость, Господи,/ и Прибежище, и Утверждение.

Еще сый в мире,/ постническому житию, молитве и богомыслию прилежал еси, досточудне,/ целомудрием же украшен,/ чистотою души твоея Богу приближился еси./ Моли Того усердно, всякия скверны нам избавитися.

Благода́ть смире́нием и ве́рою стяжа́в,/ ти́шину́ и ра́дость ду́ши тво́ей обре́л еси́/ и, благода́рени́е возно́ся Царю́ Небе́сному,/ от си́лы в си́лу восходи́л еси́, преподо́бне.

Пе́нием благоле́пным Господа́ просла́вляя,/ мно́гия люди́ сла́дким гласом твоим во умиле́ние приводи́л еси́, Йо́ве преблаже́нне,/ и, усер́дне божественную́ службу́ соверша́я,/ теплы́я моли́твы за па́ству твою́ возноси́л еси́.

Богоро́дичен: Ма́ти Бо́жия Пречи́стая,/ преподо́бным Похва́ло и Утвержде́ние,/ ду́ш святы́х Невестокраси́тельнице Сла́вная,/ моли́ со преподо́бным Йо́вом Сы́на Твоего́, Христа́ Бо́га на́шего,/ вся́кия грехо́вныя скве́рны нам совлещи́ся/ и слеза́ми покая́ния омы́тися.

Седа́лен, глас 2:

Земна́я оста́вь, Небе́сная обре́л еси́,/ плоти́ю обложе́н, безплóтным подо́бился еси́, свя́те Йо́ве,/ Боже́ственным же́ духом просвеще́н,/ се́рдца́ челове́ков прозрева́л еси́./ Ны́не, я́ко звезда́, сия́еши на Небеси́ и зри́ши сла́ву Святы́я Трои́цы,/ Ю́же моли́, преподо́бне,/ да исцели́т немо́щи на́ша/ и сподоби́т Ца́рствия Сво́его.

Сла́ва, и ны́не, Богоро́дичен:

Иста́ива́ет се́рдце моё́, Пречи́стая,/ тща́щееся воспети́ непости́жную та́йну Рожде́ства Твоего́,/ Сло́во бо О́тчее несказа́нно во утробу́ Твою́

вместила еси,/ и Мати спасения явилася еси нам.

Песнь 4

Ирмос: Вознесена Тя видевши Церковь на Кресте,/ Солнце Праведное,/ ста в чине своём,/ достойно взывающи:/ слава силе Твоей, Господи.

Молитвенниче пламенный, тайный с Богом собеседниче/ и Духа Божественного сопричастниче, преподобне отче Иове!/ Ты, слезами лице сове орошая,/ из глубины сердечныя взывал еси: Господи, помилуй мя!/ Испроси и нам твоєю молитвою благодать Его и милость.

Любве Христовы исполнено бе чистое сердце твоё, досточудне,/ ближняя твоя паче себе возлюбивый,/ злобы чужд быв и мщения,/ благодеянии многими людем угождал еси,/ радуясь о всякой души христианстей.

Не оскуде десница твоя, питавшая алчущих,/ ниже преста помощь твоя страждущим и обременённым,/ слово твое благодатное малодушным веры утверждение бысть,/ всем бо подавал еси, отче, душеполезная.

Богородичен: К Тебе простираю рuce мой, Предстательнице всем христианом,/ и из глубины взываю:/ утеси мя в печали моей,/ мучительства страстей избави,/ Светом

Божественным мрак души моея просвети/ и
прегрешения моя прости ми, Мати Дево.

Песнь 5

*Ирмос: Ты, Господи мой,/ Свет в мир пришел
еси,/ Свет Святый, обращающий из мрачна
неведения/ верою воспевающая Тя.*

Уведев царь земный доброту твою духовную,
отче Йове,/избра ты наставника себе,/
мудростию своею назидаяся,/ ты же со
смирением царское повеление прием,/ сырых и
убогих попечением своим не оставил еси,/ в
простоте сердца служение свое совершая.

Царю Небесному zelo честен друг явился еси,
преподобне,/ Той бо, яко злато в горниле, очисти
ты испытании крепкими./ За словеса Господня
верою твердою сохранил еси пути жестоки,
отче,/ исполняяся благих преизобильно.

Завистию вражиею,/ унижен был еси
клеветою человеческою, Йове,/ изгнан бо от
отеческаго града быв,/ во стране полунощней
обрел еси пристанище/ во обитель иноческую
преселился.

Богородичен: От юности моея Господа
грехопадении прогневах,/ не имам дерзновения
к Тому, дел бо, достойных покаяния, не
сотворих,/ обаче Едину Тебе стяжах Споручницу
спасения моего, Пренепорочная,/ Ты в тесноте и

скѣрби помози́ ми, / да скорби вѣременныя
пріѣмля в житіи́ моѣм, / мучѣнія вѣчнаго
избѣгну.

Песнь 6

Ирмос: Пожру́ Ти со гласом хвалѣнія,
Го́споди, / Це́рковь вопиѣт Ти, / от бесѣвскія
кро́ве очи́щися / ра́ди ми́лости от ребр Твои́х /
истѣкшею Кро́вию.

Егда́ вселился еси́ в киновію, ѡтче Іовѣ, /
пѣстническим житіѣм брѣтию удивил еси́, / игу
Христову смиреннѣм подклоня́яся, / темже
Христос ризою ра́дованія украси́ тя, / путь
преподобія и кончину́ чѣстну ти уготовляя.

Словеси́ Госпо́дню неуста́нно поуча́шеся
се́рдце твоѣ чистѣе, / Ду́хом бо Святым душа́
твоя́ прісно жива́ бе, / благодать смиреніем
стяжа́л еси́, премудре, / Цѣрству Бо́жию, ещѣ на
земли́ сый, яко небожитель приобща́яся.

Безмо́лвія чая́ше душа́ твоя́, блаже́нне, и
Бо́гу предстоя́нія несму́щаемаго. / Сего́ ра́ди во
ото́к А́нзерскій всели́лся еси́, / иде́же предте́ча
твой, Елеаза́р богомудрый, первонача́льник
скітскій, / вдохнове́нныя Бо́гу моли́твы
принося́, / дарами божественныя благодати
пусты́ню освятилъ естъ.

Богоро́дичен: Пучи́ну беззако́ний мои́х в
пучи́не милосе́рдія Твоего́ пото́пи, Пречи́стая, /

бу́рю страсте́й мо́их разгона́ющи,/ и на сте́зи
покая́ния наста́ви мя.

Конда́к, глас 8:

Божественная́ восхожде́ния в сердце́
стяжав,/ ихже́ ра́ди мно́ги ско́рби претерпел
еси,/ приста́нище обрёл еси́ в морсте́м ото́це,/
преподобна́го Елеаза́ра пре́емник заве́тов быв,/
Покро́вом Бо́жия Ма́тере осеня́емь,/
досто́блаже́нне о́тче Йо́ве,/ помина́й нас чту́щих
святу́ю па́мять твою́.

И́кос:

От ю́ности избра́нник Бо́жий яви́лся еси́,/ и
Того́ путе́м послѣ́довал еси́ невозбра́нно,/
гонѣ́ния, поноше́ния и ско́рби не поколеба́ша тя,
преподобне,/ ве́рою Христо́вою окриля́ема./
Те́мже от ца́рских черто́гов отверже́н быв,/ во
оби́тель Солове́цкую пресе́ление́ я́ко от Десни́цы
Бо́жия восприя́л еси́,/ устреми́лся еси́ к
пусты́нному ото́ку А́нзерскому,/ иде́же дух твой,
безмолв́ия чая, жела́емое обре́те./ тамо́жде и
повеле́ние Бо́жия Ма́тере прие́м,/ оби́тель
Распя́тию Сы́на Ея́, Христа́ Бо́га на́шего,
воздв́и́гл еси́./ Сего́ ра́ди по́двиг любве́ и
милосѣ́рдия в подража́ние Го́споду до конца́
испо́лнивый,/ во оби́телех Божѣ́ственныхъ Любве́

ны́не пребы́ваеши,/ досто́блаже́нне о́тче Йо́ве,
помина́й нас чту́щих святу́ю па́мь твою́.

Песнь 7

Ирмо́с: В пе́щи авраа́мстии о́троцы
перси́дстей,/ лю́бовию благоче́стия па́че,/
нежели пла́менем, опаля́еми, взы́ваху:/
благослове́н еси́ в хра́ме сла́вы Твоея́, Го́споди.

Ски́тскаго жити́я нача́льник яви́лся еси́,
преподо́бне о́тче Йо́ве,/ в добродéтелех и́ноков
наставляя,/ наипа́че святое послушание б́люсти
увещева́я:/ И тако о́тческою лю́бовию ча́д
духовных окормля́л еси́,/ попече́нием о па́стве
твоей завет Христо́в исполня́й.

Покая́ния пропове́днице и Ца́рствия
Небе́снаго наследни́че!/ Ты, на кончи́ну жити́я
своего́ и на час Стра́шнаго суда́ взира́я,/
сокруше́нныя моли́твы Распя́тому за ны́
возноси́л еси́,/ смиренными́ слеза́ми ду́шу
омыва́яй.

Служе́нию лю́дем па́че пре́жняго посвяти́л
еси́ себé, преподо́бне,/ попече́нию о боля́щих
вельми́ прилежа́в,/ на раны́ их елей возлива́я,
любовию Христо́вою недуги́ цели́л еси́./ Те́мже и
мы, грехо́вными я́звами ура́нени,/ во
благове́ременную по́мощь тя призыва́ем.

Богоро́дичен: Напа́стьми лю́тыми боримь, и
стрéлы вра́жиими уязвля́емь,/ во гно́ищи грехо́в

моих лежѹ, стѣняй,/ но Ты, Владычице, терпѣніе
моѣ и упованіе,/ от волн безмерныхъ искушений
изми мя/ и во страданіихъ подаждь ми
утѣшеніе.

Песнь 8

*Ирмосъ: Руце распростѣр, Даниїл/ львов
зїянїя в рове затчѣ;/ огненную же сілу
угасїша,/ добродѣтелию препоясавшеся,/
благочестїя рачїтели отроцы, взывающе:/
благословїте, вся дела Господня, Господа.*

Духомъ приобщаяся Страданіемъ Господнимъ,/
постомъ и бденіемъ молитвеннымъ плоть свою
удручал еси, преподобне,/ и сердце всенощными
молѣніи усовершал еси,/ окомъ же
приснободреннымъ тайны Божественныя
созерцая, Духу Святому обитель непорочну себѣ
сотворил еси.

Вострепетѣ душа твоя святая, и
возрадовашася смиренныя кости твоя,
блаженне,/ егда Владычица Всепетая в видѣніи
явїся ти вкупе с Елеазаромъ чуднымъ,/
повелевающи обитель Распятію Сына Ея,
Христа Бога нашего, воздвїгнути/ и
спасительныя Страсти Его всечестно
прославити.

Другая Голгофа гора наречѣся,/ идѣже юдоль
последняя земнаго поприща твоего бысть, Йове

премудре,/ сия бо труды усердными твоими и
воздыхании слезными,/ попечением Пресвятыя
Богородицы хранима,/ во всякой святыни и
правде процвела есть.

Богородичен: Жезл силы стяжавше, Крест
Сына Твоего, Богородице,/ тем низлагаем
вражия шатания,/ любовь Ты непрестанно
величающий.

Песнь 9

*Ирмос: Камень нерукосечный/ от несекомыя
горы, Тебе, Деве,/ краеугольный отсечется,/*
Христос, совокупный разстоящаяся естества./
Тем, веселящаяся, Ты, Богородице, величаем.

Благочестнаго жития твоего, отче, ради,/
источник воды преизобилен дадеся на потребу
обители твоей от Пресвятыя Богородицы,/
купно же и дар прозрения и недугов исцеления
тебе от Бога дан бысть./ Темже молим тя:
исцели немощи наша душевныя вкупе и
телесныя.

Любовию Христовою исполнено бысть сердце
твое, преподобне Йове,/ еюже выну мудро
врачевал еси пороки людстии./ Егда бо татие
приидоша восхитити плоды трудов братских, и
Богом наказани быша,/ Того умолив,
разрешение им испросил еси,/ и трудом

покая́нным на путь пра́веднаго жити́я наставля́ еси́ я.

Во гла́се ра́дования а́нгельскаго прехождáше ду́ша тво́я, блаже́нне, от оби́тели земны́я во оби́тели Ве́чныя,/ вся́ бо испо́лни еси́ от Го́спода ти повеле́нная,/ никогда́же Во́ли Его́ преслу́шав./ И ны́не предстоя́ Престо́лу Всесвяты́я Тро́ицы, вку́пе с новомученики Соловецкими,/ возноси́ о нас моле́ния усер́дно.

Богоро́дичен: Яко исправи́ла еси́ прежде разслабленнаго,/ тако и нас, ду́шею и телом разслабленных, теплым Твоим предста́тельством исправи́,/ да поем присно вели́чия Твоя́.

Свети́лен:

Свети́льниче, Ду́хом Святым возжже́нный,/ в по́двизех сла́вных пожи́л еси́, о́тче, миру́ светя́,/ прича́стники́ Све́та Божественнаго ученики́ тво́я сотворя́я,/ моли́, преподо́бне, Светода́теля Го́спода/ тьмы́ греха́ и неведе́ния нам избежа́ти,/ и во све́лостех повеле́ний Господних ходи́ти.

Сла́ва, и ны́не, Богоро́дичен:

Ма́ти Све́та Невече́рняго,/ Свети́ло светоза́рнаго сия́ния,/ Боговеде́ния све́том сердечна́я очса́ наша просвети́,/ да иму́ще свети́льники́ присно горя́щая,/ угото́вим себѣ́ в срѣ́тение Жениху́ Христу́,/ Иже мра́ка но́щнаго

нас изба́вит, / день незаходи́мый нам да́рует, / и сы́ны Свѣта Своего́ сотвори́т.

На хвали́тех стихи́ры, глас 4:

Кий язы́к изреши́ возмо́жет по́двиги твоя́,
преподо́бне, / воздержани́ем бо тело твоё увядил
еси́, / жити́ем же сло́вом, любóвию и ду́хом, /
ве́рою и чистото́ю серде́чною, / вся́кия
добродетели́ ви́д испра́вил еси́ / и ду́шу твою́ за
дру́ги полага́л еси́. / Темже молим тя: / грехо́вную
пре́лесть от серде́ц на́ших отжени / и в любви́
Господни нас утверди́.

Отче преподо́бне Йо́ве, / Ду́ха Свята́го сосу́де
избра́нный, / ты, Боже́ственныя любве́
сла́достию уязвлен, / посещéния Бо́жия Ма́тере
сподо́бился еси́, / Яже повеле́ ти обитель
иноческую́ создати́ / на прославлéние во́льныя
стра́сти Христа́ и Бо́га нашего́, / спасéния
нашего́ ра́ди распенша́гося / и Воскресéние нам
дарова́вшего.

Гора́, яже прéжде имене́ не имущая, / сла́вою
неувяда́емою увенча́ся / и вторая́ Голго́фа от
Ма́тере Бо́жия нарече́ся / страда́ний ра́ди
во́льных Сы́на Ея́, Спа́са на́шего, / и мученик
ради́, zde в последняя́ времена́ возсия́вших. /
Сего́ ради́ радуются вернии́ и праздни́к
составля́ют, вопи́юще Христу́ Богу: / мучеников
похвала́ и победа́ Ты еси́, Всесильне́.

Смертнѣй час во умѣ и сѣрдце прѣсно
созерцаѣ/ и день Сѹднѣй пѣмѣтствуѣ,/
болѣзненне въздыхѣл еси, ѡтче,/ и покаяннѣми
слѣзѣми дѹшу твою омывѣл еси./ Темже сподѡби
и нас плачем о гресѣх своих/ милѡсть Бѡжію
стяжѣти/ и безпрѣткновѣнно в Царство
Небесное внѣти.

Слава, глас 8:

Предавая чѣстную дѹшу твою в рѹце Бѡжія,/
умилѣнно възывѣл еси, ѡтче:/ приими, Прѣблагѣй
Гѡсподи, в мирѣ дух раба Твоего,/ от младѣнства
Тебѣ единаго възжелѣвшаго/ и воли Твоеѣ вынѹ
чѣявшаго./ Рабѡв же Твоѣх, ихже во едина
стадо zde собрал еси,/ в послушѣнии и всяком
добродѣлѣнии настави/ и в мирѣ и единомыслии
сохрани.

И нынѣ, Богорѡдичен, глас тойже:

Болѣзни дѹшѣ моеѣ исцели, Пренѣпорѡчная,/
силѹ на вражіе ополчѣние ми даруй,/ мою
нечистѡтѹ Твоею святынею очѣисти,/ молѣния
слѣзная моя ко Гѡсподу направи,/ и о дѹшѣ моеѣ
пред Ним Прѣдстѣтельница бѹди.

На Литургии

Слѹжба вся преподѡбническая.

**[Текст службы утвержден решением
Священного Синода от 28 декабря 2018 года
(журнал № 126).]**

